

## Universitätsbibliothek Paderborn

**Svmma Totivs Theologiæ S. Thomæ Aqvinatis, Doctoris  
Angelici Ordinis Prædicatorum**

Tertiæ Partis Volumen Secundum

**Thomas <von Aquin, Heiliger>**

**Romae, 1619**

Quales partes sint. 3

**urn:nbn:de:hbz:466:1-38725**

Ad quartum dicendum, quod plura requiruntur ad bonum, quod procedit ex integra causa, quam ad malum, quod procedit ex singularibus defectibus, secundum Dionysium \* 4. cap. de diuinis nominibus. Et ideo licet peccatum perficiatur in consensu cordis, ad perfectionem tamen paenitentiae requiritur & contritus cordis, & confessio oris, & satisfactio operis.

Ad contrarium vero patet solutio per ea quæ dicta sunt \*.

## ARTIC. III.

*Vtrum prædicta tria sint partes integrales paenitentia?*

**A**d tertium sic proceditur. Videtur, quod prædicta tria non sint partes integrales paenitentiae. Paenitentia enim, (ut dictum est\*) contra peccatum ordinatur. Sed peccatum cordis, oris, & operis, sunt partes subiectivæ peccati, & non partes integrales: quia peccatum de quolibet horum prædicatur. Ergo etiam in paenitentia contritus cordis, confessio oris, & satisfactio operis, non sunt partes integrales.

**¶ 2** Præterea, Nulla pars integralis in se continet aliam sibi conadiuisam. Sed contritus continet in se confessionem & satisfactionem in proposito. Ergo non sunt partes integrales.

**¶ 3** Præterea, Ex partibus integralibus, simul & æqualiter constitutur totum, sicut linea ex suis partibus. Sed hoc non contingit hic. Ergo prædicta non sunt partes integrales paenitentiae.

**SED** contra, Illæ dicuntur partes integrales, ex quibus perfectio torius integratur. Sed ex tribus prædictis\* integratur perfectio ipsius paenitentiae. Ergo sunt partes integrales paenitentiae.

**RESPONDEO** dicendum, quod quidam dixerunt, hæc tria esse partes subiectivæ paenitentiae. Sed hoc non potest esse: quia singulis partibus subiectivis adeat tota virtus totius, & simul & æqualiter; sicut tota virtus animalis, in quantum est animal, saluat in quilibet specie animalis, quæ simul & æqualiter di-

N r 2 uidunt

c. 4. p. 2 4.  
inter fin.  
& med.

in corpo-  
re art.

548  
4. d. 16 q.  
1. art. 1. q.  
3.  
q. 84. s. 3.

art. præc.  
positis in  
arg. 1.

uidunt animal. Sed hoc non est in proposito. Et ideo alij dixerunt, quod sunt partes potentiales. Sed nec hoc verum esse potest: quia singulis partibus potentialibus adest totum secundum totam essentiam, sicut tota essentia animæ adest cuilibet eius potentie. Sed hoc non est in proposito. Vnde relinquitur, quod prædicta tria sunt partes integrales penitentie. Ad quarum rationem exigitur, ut totum non adsit singulis partibus, neque secundum totam virtutem eius neque secundum totam eius essentiam, sed omnibus simul.

Ad primum ergo dicendum, quod peccatum, quia rationem mali haberet, potest in uno tantum perfici, ut dictum est \*. Et ideo peccatum, quod in solo corde perficitur, est una species peccati. Alia vero species, est peccatum, quod perficitur in corde, & ore. Tertia vero species est peccatum, quod perficitur in corde, ore, & opere. Et huiusmodi peccati partes quasi integrales sunt, quod est in corde, & quod est in ore, & quod est in opere. Et ideo penitentie, quæ in his tribus perficitur, haec tria sunt partes integrales.

Ad secundum dicendum, quod una pars integralis, potest continere totum; licet non secundum essentiam: fundamentum enim quodammodo virtute continet totum ædificium. Et hoc modo contritio continet virtute totam penitentiam.

Ad tertium dicendum, quod omnes partes integrales habent ordinem quendam adiuicem. Sed quædam habent ordinem tantum in situ: siue consequenter se habeant sicut partes exercitus: siue se tangant, sicut partes acerui: siue etiam colligentur, sicut partes domus: siue etiam continuuntur, sicut partes lineæ. Quædam vero habent insuper, ordinem virtutis, sicut partes animalis, quarum prima virtus est cor; & aliæ quædam ordine virtutis dependent ab inuicem. Tertio modo ordinantur ordine temporis: sicut partes temporis & motus. Partes igitur penitentie habent adiuicem ordinem virtutis,

& temporis, quia sunt actus: non autem ordinem situs, quia non habent positionem.

## ARTIC. IV.

*V*trum conuenienter diuidatur pœnitentia in pœnitentiam ante baptismum, pœnitentiam mortaliū, & pœnitentiam venialium?

**A**D quartum sic proceditur. Videtur, quod in conuenienter diuidatur pœnitentia, in pœnitentiam ante baptismum, pœnitentiam mortalium, & pœnitentiam venialium. Pœnitentia enim est secunda tabula post naufragium, (vt supra dictum est\*) baptismus autem prima. Illud ergo quod est ante baptismum, non debet ponи species pœnitentiae.

**¶ 2** Præterea, Quod potest destruere maius, potest etiam destruere minus. Sed mortale est maius peccatum, quam veniale. Illa vero pœnitentia, quæ est de mortalibus, eadem etiam est de venialibus. Non ergo debent ponи diuersæ species pœnitentiae.

**¶ 3** Preterea, Sicut post baptismum peccatur venialiter & mortaliter, ita etiam ante baptismum. Si ergo post baptismum distinguitur pœnitentia venialium & mortalium, pari ratione debet distingui ante baptismum. Non ergo conuenienter diuiditur pœnitentia per has species.

**S E D** contra est, quod Aug. \* in lib. de pœnitentia ponit prædictas tres pœnitentiae species.

**R**ESONDEO dicendum, quod hæc diuisio \* est pœnitentiae, secundum quod est virtus. Est autem considerandum, quod qualibet virtus operatur secundum congruentiam temporis, sicut & secundum alias debitas circumstantias. Vnde & virtus pœnitentiae actum suum habet in hoc tempore, secundum quod conuenit nouæ legi. Pertinet autem ad pœnitentiam, ut detestetur peccata præterita, cum proposito immutandi vitam in melius, quod est quasi pœnitentiae finis. Et quia moralia recipiunt speciem secundum finem (vt in 2. parte habitum est\*) inconveniens est, quod diuersa species pœnitentiae accipiant secun-

549

4. d. 16 q.  
1. a. 2. q. 1  
C 5 c. et  
Mat. 3. 6.  
2. fin.  
q. 84. a. 6.  
C locis  
ibid. citatis.

in lib. de  
util. pen.  
et de me-  
dic. peni.  
c. 2. 10. 9.  
\*posita in  
arg. 1.

1. 2. qu. 1.  
4. 3. et q.  
18 ar. 4.  
C 6.